

CLAUS STÅLE HUSA SELLEVOLL

Mobilnummer

917 31 491

E-postadresse

claus.sellevoll@gmail.com

Kontonummer **** * 87631

Vedtaksdato

29.11.2021

Vedtaket er gjort av

Alver kommune

Søknadsdato

30.08.2021

Vår referanse

2021/7480, Agros 162035

Vedtak om tilskot til spesielle miljøtiltak i jordbruket – Istandsetjing av gardsveg

Samandrag: Alver kommune har vedtatt å innvilge opptil 15 000 kroner i tilskot til CLAUD STÅLE HUSA SELLEVOLL til Istandsetjing av gardsveg. Frist for å gjennomføre tiltaket og rapportere er 01.10.2024.

Alver kommune viser til søknad av 30.08.2021.

Bakgrunn i saka

CLAUD STÅLE HUSA SELLEVOLL søkte om tilskot til spesielle miljøtiltak i jordbruket 30.08.2021. Du søker om totalt 50 000 kroner i tilskot for tiltak perioden 01.09.2021-31.12.2021. Totalt kostnadsoverslag for tiltaket har du utrekna til 212 475 kroner.

Det er søkt om tilskot til istandsetjing av gardsveg over GBNR 147/3 og 147/2.

Vegen går frå tunet på GBNR 147/2 til Trosvikdalen /Torsvika, der gardane på Sellevoll har nausta sine. Denne sjøvegen var innteikna på utskiftingskart alt i 1880. Fram til slutten av 1980-talet vart gras og turrhøy køyrt heim med hest og kjerre på denne vegen, men etter den tid har vegen kollapsa fleire stader både i murar og grøftesystem. I dag er vegen berre framkomeleg til fots og vert nytta som gangsti til inn- og utmarksbeite, naust, hytter og badeplass. Vegmuren er i ferd med å siga ut fleire stader, og vil bryta saman om tiltak ikkje vert sett inn. Ein stor del av restaureringstiltaket vil vera å skifta ut defekte parti av grunnmuren i vegen. Nokre deler av dei murte vegskuldrene fungerer og som vingar til kisteveita nedanfor. Desse skal kontrollerast og setjast i stand der det er behov. I tillegg er det planlagt å forlenge kisteveita i nordre del av vegen med om lag 8 meter.

Oppgradering av vegen vil legge til rette for betre tilgang til produktiv jord og lettare stell av kulturlandskapet. Informasjon om historien til vegen og området rundt skal gjerast tilgjengeleg for allmenta. Slik vil den gamle gardsvegen ha verdi både som landbruksveg, turveg og kulturhistorisk kjelde til kunnskap og opplevingar.

Prosjektet har fått løyving på inntil kr 50 000 frå kulturminnefondet.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast

gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom vil tiltaket skal gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Søknaden er vurdert etter prinsippa i naturmangfaldlova §§8-12, jf. §7. Administrasjonen har gjennomgått artskart og naturbase, og etter ei samla vurdering komme fram til at det omsøkte tiltaket ikkje er i strid med prinsippa i §§8-12 i naturmangfaldlova.

Istandsetting av gardsveg vil vanlegvis ikkje falle inn under SMIL-ordninga. I denne saka meiner kommunen likevel at det er mange argument for at tiltaket kjem inn under føremålet med SMIL-ordninga. Kommunen meiner at tiltaket vil betre tilstanden til kulturminne i jordbruket og betre tilgangen til jordbrukslandskapet for allmenta. Ved å utbetra vegen framfor å byggja ny vernar ein om eit fleire hundre år gammalt kulturminne. SMIL-ordninga skal stimulere høve til rekreasjon og friluftsliv i jordbruket sitt kulturlandskap gjennom å leggja til rette for ferdsel til fots og opplevingar. I følge Forskrift om tilskot til spesielle miljøtiltak i jordbruket - kommentar til regelverk, kan det gjevast tilskot til samanhengande sti- og turvegnett i tilknytning til veger i landskapet, viktige linjedrag i landskapet og forenkling av adkomsten til utmark og strandsoner. Kommunen meiner at det omsøkte tiltaket fell inn under denne beskrivinga. Vegen er i dag nytta som gangsti til naust, hytter og badeplass. Utbetring av vegen og tilrettelegging med informasjon om historia til vegen vil gjera det enklare for folk å nytta vegen, og vil auka opplevingsverdien for dei som ferdast her. Utbetring av vegen vil og gjera det enklare å halda innmarksteigane og utslåttane i hevd, noko som igjen vil vera positivt for opplevinga av kulturlandskapet. Kommunen vektlegg og at prosjektet inkluderer restaurering av tørrmura element i form av vegmur og kisteveiter. Tørrmura element er karakteristisk for kommunen og restaurering av desse kulturminna er prioritert i henhold til gjeldande SMIL-strategi for Alver kommune. Kommunen vel derfor å støtte den delen av prosjektet som omhandlar restaurering av tørrmur/ kisteveit, samt tilrettelegging for allmenta.

Vedtak

Alver kommune har vedtatt å løyve inntil kr 15 000 til restaurering av vegmur og kisteveiter i forbindelse med restaurering av den gamle sjøvegen, samt til arbeid med å gjera informasjon om vegen tilgjengeleg for allmenta.

Godkjent kostnadsoverslag:

Tiltak	Kostnad
Eige arbeid, rydding, graving, muring m.m.	30 000
Tilskot (50% av kostnad)	15 000

Alver kommune har vedtatt å innvilge opptil 15 000 kroner i tilskot.

Vilkår for tilskotet

Frist for å gjennomføre tiltaket og rapportere er 01.10.2024. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Kommunen set som vilkår at det vert tilrettelagt for at vegen kan nyttast av allmenta.
- Tiltaket skal utførast i tråd med antikvariske retningslinjer. Ein bør strekkja seg etter å nytta materialer, dimensjoner og handtverksteknikker i samsvar med opprinneleg utføring.

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Sluttrapport skal innehalda:

- Utfylt rapporteringsskjema for eingongstiltak/investeringstiltak, inkludert rekneskap. Rekneskapet bør settast opp slik at det kan samanliknast med kostnadsoverslaget i søknaden.
- Timeliste som dokumenterer eige arbeid
- Bilag på innkjøpt materiell
- Foto som syner utført tiltak

Alver kommune betaler ut det innvilga tilskotet etter at du skriftleg har bede om det, og når vi har godkjent rapport og sluttrekneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskotet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskotet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggst ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 30 000 kroner. Utbetalt tilskot kan ikkje overstige 50 % av godkjende kostnader for å utføre tiltaket. Dersom kostnaden for å utføre tiltaket er lågare enn godkjent kostnadsoverslag kan tilskotsbeløpet bli justert ned.

Kontroll

Kommunen, statsforvaltaren og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskotet.

Klagerett

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
for Alver kommune

Saksbehandla av: Marie Victoria Rekdal Skogrand

Godkjend av: Laila Bjørge